



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De inuentione reliquiarum sanctorum quadraginta martyrum. Cap. II.

urn:nbn:de:hbz:466:1-12718

SOZOMENI HISTOR.

ad suppeditandum incolentibus alimentum: Si quis vero de harum rerum veritate experientiae suae credere malit quam verbis meis, comperiet me neque falso neque ad gratiam haec scribere, si modo apud eius curia Prefectus conscriptam perlegerit harum rerum historiam, & ex actis publicis aestimet, an scriptis nostris res gestae consonent. Si cui vero haec sola ad faciendam fidem non sufficiunt, fidem ius super vel Deus ipse faciat, qui illam omnibus modis ob rationem vitae charam habet, ut quam & praecantem prompte exaudiat, ac sepius de rebus agendis sua apparitione certiore faciat: Nemo enim Detramen hominibus unquam conciliari dixerit, nisi ipsi suis operibus se illo dignos praestiterint: Ceterum quantum quidem ad particularē demonstrationem in singulis divinitus exhibitis attinet, ut intelligatur Deo charam esse Imperatoris sororem, deinceps volens supersedebo, ne quis forte calumnietur, me, qui alia scribere suscepimus, in laudum campos expatiari: Illud autem quod mihi & ecclesiasticae historiae proprium, & diuini erga illam amoris illustre argumentum esse videtur, hoc loco referam, etiamsi tempore quidem serius acciderit: habet autem se hoc modo.

De inventione reliquiarum sanctorum quadrageinta martyrum. CAP. II.

Mulier quedam Eusebia nomine hereseos Macedonianae ministra, domum & hortum habebat extra mœnia ciuitatis Constantinopolitanæ, & sanctas reliquias hic afferuabat quadraginta militum, qui apud Scbastiam Armeniæ tempore Licinij martyrum fecerant: Ea cum esset moritura locum hunc reliquit monachis sibi in religione conformibus, & eos iure iurando adstrinxit, ut se ibidem sepelirent, atque ut supra caput in sublimi loculum suum priuatim expolirent, & secum vna martyrum reliquias reconderent, ac nemini rem indicarent. Ac monachi quidem fecerunt sicuti mandatum fuerat: ut autem debitum cultum martyres consequerentur, & externi tamen rem nescirent, secundum datum Eusebiæ iusurandum, oratorium

oratorium sub terra construxerunt ad illius loculum, in
adificio autem conspicuo supernè coctis lateribus vesti-
tum paumentum, & ex eo descensum clancularium ad
martyres. Post hæc Cæsarius, vir ea tempestate cum pri-
mis potens, qui & ad consularem & ad præfectoriam dig-
nitatem peruererat, defunctam vxorem suam iuxta lo-
culum Eusebię sepeliuit: hoc enim illis ita decretum erat,
dum adhuc in viuis essent, cum & miro amore inter se
mutuo tenerentur, & in religione ac doctrina concordes
essent: Et hinc Cæsario huius loci emedi data occasio fuit,
vt & ipse prope vxore sepeliretur: Prædicti ergo isti mo-
nachi alio emigrarunt, neque tamen de martyribus quicq;
indicarunt: Domo postea collapsa terraq; ac ruderibus in-
gestis, vniuersus ille locus exaequatus fuit, quia templum
inibi magnificum Deo Cæsarius ipse in honorem Thyrſi
martyris ædificarat: Deus autem vt appareat hunc locum
ita obscurari, & tantum temporis elabi de industria vo-
luit, vt & martyrum inuentionem & inuentricis pietate
admirabiliorem illustrioremq; redderet: Ea erat Impera-
trix Pulcheria, soror Imperatoris: Huic enim cum tertio
apparuit et admirandus ille Thyrſus, eos, qui sub terra ab
scinditi latebant indicauit, & ad se transferri iussit, vt &
eiusdem loci & eiusdem quoq; honoris secum participes
essent, simul & ipsi quoq; quadraginta martyres militari-
bus vestimentis candidis induiti, semetipsos illi conspi-
cuos fecerunt: Hæc verò res & supra fidem, & prorsus in-
extricabilis esse videbatur: neq; enim aut clerici, qui hoc
in loco seniores erāt, quamvis ſepe rogati, aut alias quis-
quam iudicare martyres poterat: Ad extreum cunctis
iam desperantibus, Polychronio cuidam presbytero, qui
olim ex familiaribus Cæsarij fuerat, in mentem Deus re-
degit istos monachos, qui hunc locum quondam incolu-
erant, qui quidem ad Macedonianorū clericos veniens,
ſciscitur de ipsis, omnibus autem illis iam defunctis, cū
vnum duntaxat superstite reperisset, qui in hoc ipsum vi-
debat in vita conseruatus, vt quæſitos martyres in-
dicaret, orabat, vt diceret, cognouisset ne sanctas re-
liquias sub indicato loco reconditas? Sed cum eum
propter datum Eusebię iuſtiſrandum subdetrectantem
videret

SOZOMENI HISTOR.

videret Polychronius, diuinam illi apparitionem, & perturbationes Imperatricis, & ipsorum desperationem com memorat, tum ille vera esse confitetur ea, quæ Deus Imperatrici reuelarat. Nam se, quia adolescentulus tum ibi sub senibus præceptoribus ad monasticam institutus esset, certò scire, martyres iacere circa loculum Eusebiæ, ignorare tamen, utrumne sub delubro, an verò alibi defossi sint: propterè quod multum temporis effluxerit, & prior loci facies in eam sit mutata, quæ nunc est. Atqui inquit Polychronius mihi non idem accidit. Recordor enim me fortè adfuisse sepeliendæ coniugi Cæsarij, & ex vicina via publica ratione, ducens coniunctionem eam iacere circa Ambonem, quod est suggestum lectorum. Proinde, respondens monachus, etiam Eusebiæ loculum inquit prope vxorem Cæsarij querendum est: quandoquidem & viuæ plerumq; una erant, & post mortem se coniunctum sepulchrum habituras pactæ sunt: Cum itaque secundum hæc quæ dicta sunt fodere & sanctas istas reliquias inuestigare oporteret, Imperatrix facta certior opus virgeri iussit: Effosso igitur illo circa Ambonem loco, repertus fuit loculus vxoris Cæsarii, sicuti coniectarat Philochronius: Paululum autem hinc distans ex transuerso statum coctis lateribus pavimentum erat, & ad huius ambitum æquali mensura respondens tabula marmorea, sub qua ipsius Eusebiæ loculus ostendebatur, & huic imminens delubrum perquam scitè marmoribus leucoporphyris incrustatum. Ipsum porrò loculi tegmen velut in mensam sacram fabrefactum erat. In summo autem vbi martyres iacebant, exiguum foramen apparebat. Astans igitur quidam de familia Imperatoris tenuem virgulam, quam fortè habebat, per foramen immisit, & extractam naribus admovit, & vnguentum fragrantissimum olfecit: ex quo statim tum laborantibus, tum astantibus bona spes suborta fuit: Itaque cum loculum auide aperuerissent, Eusebiam inueniunt. Illud vero, quod ad caput eius eminebat, in arcæ formam cælatum, proprio intus tegebatur operculo, & utrimque ei ad labra circumdatum, plumbo conglutinatum ferrum, ipsum continebat. In eius medio ressus foramen istud apparenſe etiam manifestius declarabat intus haberī martyres: Hoc

vbi

vbi annuntiata essent euestigio accurrunt, Imperatrix & episcopus ad martyrium: Tum solutis per artifices ferteis istis vinculis, confestim sine negotio operculū extractum fuit: sub hoc autem multa vnguentā, & in his pixides argenteæ duæ repertæ sunt, in quibus sanctæ reliquiæ iacebant: Tunc igitur Imperatrix Deo preces gratulatorias fundebat, tum quod se tanta reuelatione dignatus esset, tum quod sanctorum reliquiarum inuentionem assecuta esset: Post hæc præciolissima theca martyres honoratos iuxta venerabilem Thyrsum composuit, publica festiuitate, ut æquum erat, cum debito honore ac pompa ac psalmi modiis celebrata. Cui & ipse ego interfui. Atque hæc quidem sic esse gesta testabuntur illi, qui huic festiuitati interfuerunt, omnes enim fermè adhuc supersunt, cum multo postea gesta fuerint, Proclo scilicet ecclesiam Constantinopolitanam gubernante.

De virtute Pulcheria ac sororum eius, de singulare benevolentia qua Deus eas prosecutus est.

CAPVT III.

Fama autem est, & in aliis quoque negotiis Imperatrici Deum quæ futura erant reuelasse, plurimaque tum huic ipsi, tum sororibus huius accidisse, quæ diuinum erga eas amorem testarentur. Nam & ipsæ quoque idem vite institutum sectabantur, erga sacerdotes ac tein plenitatem affectæ, erga peregrinos indigos ac pauperes munificæ: mensa ut plurimum erat eadem omnibus, idemque processus; & simul Deum noctu iuxta atque interdiu laudabant, & pro honestatum mulierum consuetudine, textris & huiusmodi operibus vacabant: Otium enim atque desidiam, quamvis Imperatrices & in Imperio natæ atque educatae essent, sacra virginitate, quam profitebantur, indignam iudicabant, & ex vita sua reiecerunt: Qua de causa cum Deus illis manifestè propitius esset, earumque domum vindicaret, Imperator ipse, tum ætatis, tum Imperii amplitudine profecit, & quicquid insidiarum aut belli aduersus ipsum conceptum esset, sua sponte rursus dissoluebat.

Dd

De